

在文川网... 入... 更多电子书

中國方志叢書·華中地方·第三〇二號

據清·黃宅中等修，鄧顯鶴等纂
清道光二十九年修，民國二十二年重印本

影印

湖 南 省

寶慶府志

(一)

9431/05

成文出版社有限公司印行



10097187

中國方志叢書·華中地方·第三〇二號

據

清·黃宅中修 鄧顯鶴等纂
清道光二十九年修·民國二十二年重印本

影印

湖 南 省


寶慶府志

(二)

成文出版社有限公司印行



10097186



103
4

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印


湖北省

寶慶府志

(三)

sk3/05

成文出版社有限公司印行



10097193

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印


湖 南 省

寶慶府志

(四)

SK31/05

成文出版社有限公司印行



中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印

湖南省

寶慶府志

(五)

5/31/05

成文出版社有限公司印行

892



10097191

中國方志叢書·華中地方·第三〇二號

據

清·黃宅中等修，鄧顯鶴等纂
清道光二十九年修，民國二十三年重印本

影印


湖 南 省

寶慶府志

(六)

sk31/04

成文出版社有限公司印行



10097190

22°
68'0
107(6)

中國方志叢書·華中地方·第三〇二號

據

清·黃宅中等修；鄧顯鶴等纂
清道光二十九年修，民國二十三年重印本

影印

湖 南 省

寶慶府志

(七)

4231/05

成文出版社有限公司印行



10097189

中國方志叢書·華中地方·第三〇二號

據

清·黃宅中等修；鄧顯鶴等纂
清道光二十九年修，民國二十三年重印本

影印

湖 南 省

寶慶府志



5431/05

成文出版社有限公司印行



10097188

中華民國六十四年 月壹一版

寶慶府志

全八冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

寶慶府志

陳先中題



民國二十三年甲戌

冬月陳植福堂重印

重印寶慶府志序

自來郡縣志之有名者宋范成大吳郡志以博雅稱羅願新安志以簡賅勝元于思容齊乘以典核有法著沿及前明赫赫稱康海武功韓邦靖朝邑二志武功體例謹嚴源出漢書朝邑詞筆疏宕源出史記固各得史之一體故王士禎謂其詞詞爾雅石邦教謂其義昭勸鑒且二志之文皆僅數篇爲古今志乘之最簡而宏綱細目包括靡遺提要鉤元敘次間又若有餘閒論

寶慶府志序

者遂以爲鄉國之良史無如此者要求其裨吏治之實用振民氣於幽潛則孰若前清道光間吾鄉先哲鄧湘皋先生所纂之寶慶府志是志大綱有八目凡三十六依事分類編采史例爲紀一表十圖二記三書六略二錄五傳四末爲摭談凡一百五十二卷都二百餘萬言其間之最精且要者若形勝疆里準方成圖土族地望奠居爲表取六法約四要因地利繫民生凡遠近紆直之衡縱橫高下之測與夫防守藏

寶慶府志

寶慶府志序

伏之險隘守望策應之關聯罔弗分率茂密規畫詳明居常可行保甲之法歷變可備團練之籌其所以資治理者大又若使岷殘明之備錄歷代先民勝朝耆舊忠義孝友及遺民俗將之別傳掌故所繫亦風化攸關而舊志間多闕遺或漫無區別是志悉本之正史參以載記證諸先民手錄印冊及叢殘古碣詳加甄摭表微闡幽獨具精心論世知人別杼特筆足使百世下聞風興起蒸成醇俗其所以扶世教者殷此二者皆各志乘所未嘗專注卽注亦不詳詳亦不精而此獨元元本本炳炳琅琅本桑梓聞見之確秉春秋筆削之嚴特發異采於資江上游流域豈獨體例之衷諸史鶴文章之垂爲國華已哉顧劄劄甫竟海內爭相購藏已有供不應求之勢雖吾鄉世家巨族亦常各守一編奉爲家珍迺近年兵燹頻仍故家多流離轉徙舊籍半皆散亡此志亦在殘缺之列將來文獻之不足爲邦人之深恥亦國典之遺憾也

光中于役戎行嘗聞先兄孟翔及鄉父老述府志之善景誦古芬久矣今書雖散佚而搜遺拾墜尙可左綴右葺蒼成完本因不敢秘惜出行橐中國幣五千元爲楮墨資重付檢印並約鄉中耆碩詳加校對俾缺者復整逸者復存庶幾西堂散帙藉三鈔而不涇太學遺碑經重鑄而永耀他日國史輶軒下采不致使吾郡有杞宋無徵之慨斯則小子輩所馨香禱祝者爾用是爲序

寶慶府志

序

三

中華民國二十三年夏曆甲戌歲孟冬邵陽陳光中謹撰

寶慶府志序

寶慶府古邵州地所屬一州四縣首尾沅湘控臨黔粵東北距湖南行省五百里而近號為輿區使者自道光六年官湖南布政使中開再撫湖南今年秋奉

命關伍南楚值廣西賊匪蠢動郡屬之新寧城步戒嚴分命將吏防勦甯定蓋使者二十餘年閱觀政於湖湘之日最久以親是故於郡屬之山川疆域土俗民風聞之習而知之詳郡故有志自乾隆間太守鄭之僑踵修之後歲月綿邈文獻缺有闕焉於是前守黃君宅中今守張君鎮南謀所以重新之者而聘郡人鄧湘臯山長任纂修之事凡三年而書成請序於使者嘗慨方志猥陋修陳風土假借附會味厥甄限列傳縟於家牒藝文浮於總集而輿圖戶籍之要附綴焉已爾鈔撮焉已爾因山水而

寶慶府志序

有郡縣不通乎鳥道準望之術則圖測不確也因郡縣以析民居不綜乎姓氏村落之綱則土著無徵也是書最凡紀七表十圖二記三書六略二錄五傳四而於山水戶籍輿地形勝關隘險要尤詳哉其言之夫志者志也宗史而祖書書以道政事史以效得失凡以示人行政之方俾資於教養承平之日勿狃於宴安是書也成使守土之人一覽而山川疆域土俗民風如視諸掌焉於以體
國經野度地從政使吾寶慶之民同登康樂和親之書於永禩也是則守土者之志也夫是則使者之志也夫道光二十有八年春太子太保總督湖廣使者裕泰序

寶慶府志序

寶慶湖南西南要郡也據資控湘岡嶺層疊連延西粵民猶錯處其山川疆里土風文物余奉

命督學兩至其地途所經耳聞目見略知梗概然未能備觀而盡識也今春郡守張君邵陽學彭君以郡志告成請序於余夫觀風問俗使者事也矧余職在史館其何敢辭竊謂郡之有志隨在皆然使任其事者無才學識三長非陋而不文則華而不實或宜詳者略或宜簡者繁甚或挾私見為去取據浮談為事實其不足信今而傳後者多矣儒者著書立說必求有用於世况郡志為政治所關若蹈常襲故擬拾成文而不知體要則亦何適於用是書以舊志疏漏詳加考覈條理燦然凡為綱八日記表圖記書略錄傳體仿諸史而特參以新意創前所未有於

寶慶府志序

疆里形勝山川也言之特詳因山川而析其道里因道里而別其村團因村團而著其氏族凡土田之廣狹人民之衆寡可按而稽而城郭關梁歷代戰守險要之地亦瞭如指掌余按其圖讀其記恍若身入其中親履徧歷細微曲折無不周知若夫覽是書而因時布政度地制宜以富以教使險要之地悉為蕩平以共樂
聖天子雍熙之化則於守土者有厚望焉是志之修倡之者前守黃君宅中繼之者今守張君鎮南而主纂修之事者郡人新化鄧君湘臯湘臯博古通今士也其為書可以信今可以傳後故特表之以告世之為志者道光二十有九年六月既望湖南督學使者番禺梁同新序

寶慶府志序

或曰志者史之一體也自扶風因龍門八書增為十志地理志居其一范書改名郡國實與地理無異是郡國又志之一體也雖然列天下之郡國為數卷則史不可以志賅若一郡國自為一志俾疆圍廣表道塗夷險政教所出風俗所成類聚羣分人傑物華各有攸攸則可以兼史之衆體今夫士君子有所著述豈徒取其名而已哉必將綜鉅細數本末挈綱領布條目語語悉歸於實而後為天下有用之書况郡國所施行必資於志脫令猥瑣挂漏擇不精語不詳戾乎常經昧乎時變守土吏雖日披載籍而絲棼緒亂開卷茫然欲有裨於實用豈可得哉故善作志者必先究心於史體也余蒞任之初陪寶慶太守張君知黃君宅中攝篆時延書院山長鄧君重修郡志已次第脫稿而

寶慶府志序

序二

未見其書也今歲初冬新寧謠不靖余奉檄往討過郡城鄧君出書見示事竣旋省乃得從容觀之其書凡百四十五卷較舊志增多卷中各體之名悉準諸史其采訪條例凡七於鄉村界址山川里數以及民居氏族為郡邑志從來未及者尤致意焉夫界址明則防維易也里數析則跋涉便也氏族別則宗法具也綱無弗舉目無弗張鉅細無弗周本末無弗貫雖僅一隅事平而衆體完備足以抗蔚宗追孟堅駁駁乎入子長之室矣猶憶軍事方興余未暇觀全書先觀其形勝圖記楚粵毗連之境漢猶交錯之區何地可守何地可攻何地可出奇何地可設伏靡不瞭如指掌昭析無遺用以誘賊離巢遣兵夾擊殲渠執訊勦撫兼施甫及三旬干戈遂戢此皆仰仗

聖天子德威遠播稟受 制軍 中丞韜略總戎以下諸將弁與

守令承倅士民同心同力得上慰

宸念之勤余未嘗有績也而掎角扼吭管見亦不無偶中實賴圖記有以導之余於是歎務虛名偽體者果不足與言志也若是書者變事藉以行權經事更可知宜守土吏誠悉心繕閱明辨篤行將見一郡數百里內疆圍鞏固道塗肅清政教日隆風俗日厚則其有裨實用豈祇在今日平糶一事哉第賞其名目之古謂正史而外並別史雜史諸體莫不兼之博雅閎通生面獨闢猶淺之乎測是書也道光二十有七年十二月既望署湖南按察使事鹽法長寶道歸安楊炳堃序

寶慶府志序

序三

二

寶慶府志序

道光二十有四年余以湖南古丈坪同知權守寶慶檢閱郡志自乾隆開鄭東里太守修輯後迄今八十餘年缺漏殊多竊念表章文獻守土之責欲修舉焉而慮秉筆之難其人也明年春敦延新化鄧湘皋先生主講濂溪書院課士之暇相與商榷搜討重加纂述先生著年遠學好古情深嘗有楚寶之編沅湘舊之輯固已擷羶林於杞梓揚幽馥於芷蘭矣茲又以郡志之修慨然自任桑梓之見聞既確老成之學識尤精因急率僚屬士民籌費開局并招致通敏博學者佐分校之勞文質彬彬一時稱盛已而余遷貴州大定府知府是年夏六月卸事代者為郴州刺史吳君士俊而新太守張君鎮南亦於秋七月至長沙則余鄉人也二君與余同官而又皆同志聞修志之舉各忻然

寶慶府志序

曰此乃政之急務君雖去後必踵成之又明年夏邵陽縣訓導彭君洋中書來具言志已脫稿先後授梓人促為序言弁諸簡端序則余不敢作顧區區未竟之志則有不能不告諸後來者因以其意郵附簡末期其事之相與有成也先是郡西郭故有召伯祠久圯前年葺而新之王茂才退舉向余言城南甘棠舖古樹無存欲於祠前補栽棠樹使召公遺蹟允著是邦又濂溪周子以永州通判來攝郡事遷學於牙門之東南今邵陽縣學即其故地尚書度支郎中孔延之作邵州遷學記詞義甚美碑已無存余嘗欲覓佳石書而鑄之囑於學官俾學者仰止景行知所嚮往此二者皆余欲為之事以遷去不果曾以語訓導彭君庶幾其終成之乎訓導書又言濂溪書院向有謝公祠祀明郡守謝貞肅公省日久圯廢有新化周監生者願出貲重修而

鄧先生之戚陳之弼訓導議於書院建邵州五忠祠以祀郡人劉孔暉盧大受陳君寵何天衢林青陽五公是皆以忠節著聞哉於郡志者郡人士慕義之風不尤當表而出之耶若夫鄧先生以修史之筆修志是書之成將與朝邑武功並垂不朽有識者自能辨之無藉乎余言至吳刺史張太守之後先繼美及那僚紳士之協力贊成俱已詳著卷端亦無俟鄙人贅述也道光二十有六年冬十月癸丑朔河曲黃宅中書於貴州大定府署之鑑心堂

寶慶府志序

序四

docsriver 文川网
入驻商家 古籍书城

在文川网搜索古籍书城 获取更多电子书

寶慶府志序

賢人君子之生於其時其地豈偶然哉孔子嘆杞宋文獻不足夏殷之禮無徵蓋傳世既遠典册放失無人焉網羅舊聞纂述之以詔方來學士大夫事有所可疑政有所不通無所質信小子後生無由考古識遠以顯其聰明而激發其志氣非細故也今天下郡縣莫不有志矣然非殫見洽聞通達古今善道德而能文章而天又予之以寬假之歲月使得優游著述萃文獻於一身者為之必不足以信今而傳後乙巳之秋余承乏出守寶慶寶慶宜有志未得見也先是吾鄉黃惺齋太守權郡事因寶慶志修自乾隆間今缺漏過甚亟宜修適新化鄧子立先生方主郡城濂溪講院遂以相屬子立復引其友鄒君相助既開局會惺齋擢守大定去吳君傳巖繼之鄒君別去而以其事諄屬

寶慶府志序

序五

邵陽學彭君彥深為之左右而余適受代至因得從彥深與子立從容商榷開日親造局中相與上下其議論益習而於是書親見其成之之勞與聞所以作書之指世稱高似孫刻錄于欽齊乘康海武功志韓邦靖朝邑志為方志之最顧其體例謹嚴援摭精核無方志繁濫荒陋之習尚已然於一方吏治得失民生休戚安危之大則未之及是書兼四家之長而地志一門以州縣統鄉里以鄉里統村閭都必詳著其去治遠近東西南北所接壤何村何團與夫山川關隘塘堰亭橋寺觀經塗縱橫間道紆直之可蔽伏出入準開方法分合伸縮一一為之圖又仿華陽圖志著其村內大姓又別為氏族表奠其世襲里居使夫覽者瞭如指掌無事之時可行保甲之法有事則團練守禦方略皆具其中此則四家所未曾見及者蓋煌煌乎經國之鴻

寶慶府志序

序五

賦資治之龜鑑也若夫人物列傳發潛闡微往往舊志所遺或敘述而不得其詳且要者為博稽諸史及百氏記載金石碑版詳加甄錄俾忠臣烈士遺民逸老孝子悌弟可歌可泣之行百世下凜然如生所以扶世教勸風俗之意蓋諄諄焉又豈尋常方志所可同日語哉子立名在天下所著諸書多刊行海內方聞綴學之徒類能言之今郡志一書獨余先親且身親其事為快竊以謂是書之宏綱鉅目博瞻詳密與作者之通才偉識精神意量皆可以垂世行遠又念國有斯人向令出所學得行其用世之志其所建樹當別有在顧栖栖燕齊吳粵閒垂老屈就一冷官旋且棄去今七十之年神明不衰猶得從荒江老屋中一起而成茲不朽盛業此則天所留以為文獻交萃之身雖非邵人所得私然不可謂非邵人之幸也故於其書之成亟馳簡告慰惺齋為邵人幸亦為吾輩守土幸且為海內讀是書者幸也道光二十有八年冬寶慶府知府孝義張鎮南序

寶慶府志總目例言

紀
表
圖
記
書
略
錄
傳

右寶慶府志大綱有八目分三十六門編年紀事略仿史例爲紀一曰大政爲表十曰沿革曰疆里曰藩封曰世職曰職官曰武職曰巡歷官司曰選舉曰氏族曰士女爲圖

寶慶府志

總目例言

二曰形勝曰疆里爲記三曰形勝曰疆里曰山川爲書六曰吏曰戶曰禮曰兵曰刑曰工爲略二曰五行曰藝文爲錄五曰政績曰武功曰良翰曰使岷曰殘明爲傳四曰先民曰勝朝耆舊曰國朝耆舊曰列女卷末爲據談凡紀之屬其卷七表之屬其卷四十有五圖之屬其卷十有七錄之屬其卷十有二傳之屬其卷三十有三據談別爲三卷首卷六敬列 詔諭公典大凡一百五十二卷總二百餘萬言始於道光二十五年三月越二十九年六月書成政云文省事增聊用發凡起例
寶慶自順治四年內附後又闕十二年始克底定二百年來

列聖詔誥

皇上諭旨雖僻在一隅而豁岷山搖時塵

睿慮其開飭勵臣工勤求民瘼表彰忠靈諸大端煌煌

天語萬世典謨雖非爲一郡而發亦當敬謹登載然不敢分隸

各門也至學校壇廟祭祀大典係天下公行非一郡所得

專舊志樂章品物瑣細備載非志體也茲謹哀爲

詔諭公典二門弁冕全書不入卷數所以示尊崇亦以昭

限斷也

紀者記也所以記其事也史傳人事與地理相經緯地理

終古不易人事日異月新其開治忽廢否災祥休咎史不

絕書不可勝紀今首列大政一門以編年史法書之起自

漢元朔五年至於 國朝道光二十八年凡歷代郡國建

置因革損益及凡命將底定之勞設官循撫之績年經月

寶慶府志

總目例言

緯首揭於篇若網之有綱標而出之一展卷而千餘年之

郡事瞭如指掌不待披全志而已得其要領矣故先之以

大政紀

郡古荆州域秦漢以來分隸長沙零陵爲縣爲國爲郡爲

州府軍路代異名更改難畫一今詳爲考定著其統屬釐

其分置析其離合省併又博采圖經地志諸書以實之言

不厭詳事惟求實一展卷而千餘年之提封圖簿歲集司

空者不待搜往籍而已在目前矣故次之以沿革表

志地莫先疆里明制分州縣爲鄉分鄉爲里分里爲甲

國朝因之田賦出其中徭役亦出其中然民田不無變易里

甲歲有收除於是因形勢之便設爲村團故里甲無定城

而村團有定居今志疆里而實以村團里甲村團分四正

四隅首列去州縣治里數里甲分都鄉里備列十甲姓名俾閱者按籍而披一覽瞭然所以備稽察亦以重賦役也故疆里表又次之

志地莫重封建郡爲漢代食采六朝遙封故讓郡梁夫夷昭陽侯國邵陵王公武岡高平子男諸爵炳焉馴至防禦龍興岷藩圭剖銀潢威晚遍於國中加以衛所世襲動鎮開疆文武百僚之澄官分職巡歷各官之奉使從事以及薦辟科日之殊途舉貢恩例之遞進雜然紛陳無以表之懼其溷且淆矣故藩封世職職官選舉諸表又次之言地理者莫先禹貢而於導山導水之後繼以錫土姓誠以地與民兩相維繫者也周官小史奠繫世國語司商協名姓又曰工史書世先鄭曰世卽世本之屬故譜牒之掌

寶慶府志

總目例言

古有專官歷觀前史魏書有官氏志唐書有宰相世系表而方志之書惟常璩華陽國志略言大姓費著蜀中氏族譜詳記宗派近會稽章氏湖北志稿一倡此議其書未成曾以其法修四路廳之永清志甚爲詳覈而儀徵相國亦存此議於文集中其徵通人雅識夫巨室者編氓之望也士族者齊民之表也章氏之言曰以直省領列郡以列郡領州縣以州縣領士族以士族領齊民天下大計可以指掌言故觀於士族之貞淫興替而知邑里之安危治亂寶慶雖之巨載而岷藩封國傳位十世指揮千戶聚處一城昔之衣租食稅腰金章紫者今皆列在平民入國朝來以難處膺世職者亦不一家而衣冠素族所在多有今立氏族一門首列爵次勳鎮次軍民編戶按其譜籍載其先

代展轉占籍之由其中任官必書舉貢必書務於其世繫詳其里居而士女秩羣之倫閭巷負異之士以及疆場死事之夫閨閣殉節之女標其姓名皆大書特書庶衆寡可知淑慝可別宅里可風爭競可息而欲行保甲團練之法者亦不外是矣故以氏族士女二表殿十表之終焉

方志舊稱圖經周禮職方氏掌天下之圖土訓掌道地圖而大司徒以天下土地之圖周知九地域廣輪之數故圖學之於地理爲尤重今立圖記一門曰形勝凡爲圖二十以開方法計之每方四十里首列府城及四縣一州城營塘汎圖以重守禦次列歷代沿革圖以備稽考別爲形勝記一曰五州縣城郭之地二曰歷代防守之地三曰歷代用兵之地四曰歷代險要之地曰疆里凡爲圖三百九十

寶慶府志

總目例言

有四以開方法計之每方三里別爲疆里記大約分一縣爲若干鄉鄉轄幾村團大村各爲一圖最大者分爲二三四圖小者約兩三村圖合爲一圖周圍紆直各視其方圖各爲記每村團去治若干里東西南北與何村團接壤某山自某處起某處止某水自某處來某處去某至某幾里有某某某壩某橋某廟某墓及名人遺蹟故老詩文皆附其下又著明村內大姓某氏庶幾無事之時可以知編氓之相與守望者何地相與扶持者何人而保甲之法隱寓其中及乎有事之秋可以知其若何聚集若何歸併若何接應而團練之法亦具其中又備書其村團之關隘數澤塘汎涂徑若者爲行旅之所湊集若者爲道路之所經由若者爲盜賊之所藏伏出入皆可周知而土田之美惡民力

之豐歉關於民生政治者無不一覽而具矣

郡在萬山中資水發源經行郡境七百里其名山支川見於水經地志諸書者紀載不一其原委遠近分合必縷述無遺始稱完善近世方志雖不廢山川而記載繁雜全無法度夫山川之遠者或千百里近亦或數十百里而方志僅曰某山某水在縣東西若干里將指其源乎抑指其委乎其源去治近者其委必不近也其委去治近者其源必不近也則里數不可定也上流在縣東下流或轉而西上流在縣南下流或轉而東則方向不可定也山之首尾亦然眾小水之赴一大川也有先後有左右方志僅曰某水入某川而已而彼此之前後決入之左右不可得而知也而山亦有支分有起止而方志皆不言是皆忘山水之過

寶慶府志

卷五

也今以山經之法志山以水經之法志水計郡境之山千峯萬嶺其大者有三隸南隸為江鬱閉山凡七支都八十一山西隸為資沅閉山凡三十九支都五百八十三山東隸為資湘閉山凡十七支都二百五十三山其餘小支各以類附而山之脈絡起止無不縷析水以資水為宗所受之水大凡二十有四由所受之水以達於資者亦二十有四不歸於資而歸於湖沅暨桂林榕江者又一十有七其餘小溪亦各以類從而水之源委分合亦無不析矣形勝疆里皆有圖有記山水但有記無圖以山水皆分見於形勝疆里圖中也夫圖學之不講久矣古人不曰志而曰圖經故圖最重蓋必明於句股深知形勢更能測星測景又有指南記里準表重測之器故其成圖也特精自秦

以來古法斷絕苟有知者晉裴秀作禹貢圖條陳六法猶存古意 國初胡氏澗申明六法而以鳥道為要自是踵而效之者多然取鳥道之說亦未有詳言者近時方志

一委之畫工書吏且塗飾名勝以相誇耀而圖中城郭廣袤皆畫整方除一城之外幾無地可見疆域以俗傳粗獷之法羣詭為明爽何論圖學今增益六法按方搜討既成全圖始一一分割裂為小圖又縮為六圖其指攔方向鉤心鬪角以明形勢尋歷川涂辜擡遠近以明分率用心良苦其法初畫紙為正方格每方或四五十里或二三十里以府縣治為中宮方隅則分十二方十六方暨堪輿家所稱二十四向上北下南前東後西取古人六法約為四要曰分率曰方隅曰鳥道曰道里凡作山疊數人字作山水

寶慶府志

卷六

則為雙綫經流稍闊支才分許乾流故道則墨填其中伏流則空之使勢連屬道路用疊點分界用單綫城郭略具形勢大小依率字書於中村團峒寨則以□△○別之關則為丁壩汛則為恒橋則為口渡則為○無論官道小路經緯咸登委曲備寫而酌之以高下方邪紆曲貫之以津梁橋路圖既茂密差即易知別有寶慶疆里圖說見藝文史部地理茲不復贅天有五行人有五事五事修而五行殺天人微應之理微矣自漢書志五行詳錄伏氏洪範傳說及其占應後代作史者因之然於庶徵但紀災眚而不及休祥沈氏宋書因而作符瑞志宋史則兼探祥異嘉禾瑞芝與水旱札瘥備書於冊所謂因其事以考其時則休咎自見也至班史創

藝文志所以網羅載籍收拾遺經也歷代沿襲不改節書則直稱經籍志近世方志乃以詩文當之郡著述寥寂自唐末秋田咏史後曠歷歲時未聞接踵元明以降代有聞人兵燹風霜故老遺文半就湮沒舊志雖引陳篇詳徵歌咏且遠引風詩修爲佳話而經史子集見於著錄及金石文字炳於碑版者反任其遺佚陋矣哀而錄之烏可紛與故繼之以五行藝文二略

方志每苦門類繁冗重複雜運方家所譏夫志重紀載與朝廷六典通吏之官制戶之有賦禮之學校兵之營汛刑之律例工之建造皆關係大政勒成一書原以備 國史之採茲釐爲六書官師建置繁簡遷移以及俸薪養廉之添裁掾役胥額之增減皆歸吏書戶口田賦倉儲屯政以及

寶慶府志

總目例言 一 七

鹽茶錢推之目物產風俗之宜皆入戶書記典學政祠廟鄉校則禮書所統也營弁塘汛驛站鋪遞則兵書所統也若夫出於禮則入於刑不可不特書之以昭炯戒起大役必動大工不可不詳書之以重民力故繼之以吏戶禮兵刑工六書

有陶士行歐元功之治行而後邵人知樂生有周茂叔張九韶之教化而後邵人知嚮學有柳公綽李公素諸人之詰戎而後邵人免谿囑之患有曾烈愍李節愍諸人之殉難而後邵人識忠義之重功在一時思永千禩循良之咏干城之頌烏可忘也乃若前代遙封未之國及之國而無事蹟可考者其人雖賢例不著錄若帳藩就封傳位十世二百餘年雖脞德時聞而時近事彰難任湮滅舊志紀載

缺如無以徵信又有明一代區區編郡指揮鎮撫千百戶百餘家偪處一城其中衛所子弟不少才譜足資紀載既非土著又異流官是宜別立一門以免淆混詩曰戎有良翰此之謂也故繼之以政績武功良翰三錄

帳藩之國代有命使偉人名德接軫斯都洵不可無紀他若介纜之失國永明之稱號閩獻之餘孽孫李之忿爭區區一隅蹂躪已極 熙朝肇興教民水火瘡痍甫起復有吳逆之變今則承平日久民不知兵而聞見異詞事已無考至武岡竄據尤關係殘明掌故御篡通鑿綱目三編附三藩於後

諭令一體稱王免書僞字於三王死節諸臣均蒙褒卹仰見

寶慶府志

總目例言 一 八

聖朝寬大之恩海涵地負政無所庸其忌諱哀而錄之不可略也故又繼之以使帳殘明二錄

襄陽著舊之傳桂陽存先賢之讀楚國人物見於古載籍者尙已郡文獻寥寥漢以前分隸長沙零陵古有其書今亡其籍無得言焉考之正史惟邵陽周琦一見晉書武岡鄧處訥一見唐書楊再興完者之倫一再見宋元二史此外分見統志通志及各家譜牒記載者自元以前偏爲摻討共得若干人代禪絲遞行故墜沒大較舉其一隅古曰在昔昔曰先民不復區別名目故繼之以先民傳代遠則多缺略世近則易詳備自明以來薦辟科目學校三途並用梗楠之選圭璋之彥彬彬輩出墨書交馳於資部之郊孝秀爭升於黃峽之野矣或迺明廷錫宴遠返郊

原亦有繼桓利居終身肥遯其開忠臣孝子者儒退士耽
懷道術服膺六藝甘老牖下而不悔者殆難更僕數舊志
草率摛拾缺漏已甚今詳加甄錄拾其遺闕庶草野一至
之行皆可光日月而格金石閱卷砥節之子亦可垂竹帛
而示子孫故繼之以辨朝書舊忠義孝友靈宮文學善行
任俠諸傳

世族地望古人所重首邱土音昔賢不忘故考亭著新安
之號北海仍江夏之稱重返本也邵少洪代宏顯一二載
在史册者又多展轉著籍迷其本貫有郡人而疑為別籍
者如宋史之楊再興不著臨岡周湛別隸種縣是也有非
郡人而誣為邵籍者如晉書之邵陵人陳光隋書之邵州
張頤是也

寶慶府志

陽之邵州風馬又舊志以宋史徐經孫無籍貫遂據長沙

平岡不相及也又舊志以宋史徐經孫無籍貫遂據長沙

府志為寶慶人

長沙府志徐經孫寶慶初為湖廣通志湖南通志楚寶增輯皆因之而不知經孫為江西吉州人兒

四庫著錄其文自明也又以宋史水紀潘壬之亂有王元春告變之文遂以邵陽之吏郎侍郎王元春當之

而不知告變之元春為湖州人見元史方技傳其文可案也凡此之類多強為附會而殘明密敕之案與十八先生

同光日月之林烈愍青陽見於明史及

御卷通鑿輯略

欽定勝朝節錄諸書班班可考者反不之及其姓名亦在若在

若滅之聞若此之類亦非一事蓋舊志之固陋如此其在

城步沐氏有先塋之志楊氏有世勛之碑蓋氏有復姓守

筆之記皆郡中掌故也今人泥明史定遠六合之文致迷
其本貫而通志於城步又僅列楊洪一人小傳寥寥數語
實不足以傳信茲本之正史參之載記復親歷各家登其
墓兆證以譜牒得其先世手錄印册作勳衛傳禮失而求
諸野官失而守在夷百爾君子庶諒徵考文獻之心毋貽
借材異地之譚

英雄之記盛於季漢遺民之錄哀自宋末龍蛇悼羈縻之
臣蒙戎咏流離之子前明之季吾楚憔悴忠盡之士過股
墟而泣黍離執干戈以衛社稷者邵人最多至永明逃竄
從亡諸臣蹈鼎鑊而如飴甘微蘇而不返又虞翻所云外
來人也舊志漫無區別或且列入流寓類既不倫事且失
實其湮沒無聞不見紀載者又無論矣茲分為遺民宿將

寶慶府志

從臣遷客四傳不與隱逸流寓諸傳同科亦可以壯河山

之氣起幽憤之魂矣至若

國朝肇興全部內屬二百年來戶遺

皇軌家沐

聖化人躬曾閱之行士挺珪璋之質下至閭巷負販之夫窮閭

卹結之女芳蹤淑德奕世載美故邵之為郡論洪洪伐顯奕

不及一邊邑而巖棲谷隱徵名聘德若車王理學邵陵風

雅語老曾起自一隅與中土爭衡海內求名之士必歸焉

無論湖外矣故繼之以

國朝香舊諸傳

香草美人之咏盛於湘中蘋蘩季女之詩登於南國郡饒

召南之化俗師節儉之風家不尚綺羅之習人不侈咏絮

之才而窮鄉委巷霜露處女一至之行泣風雨而感鬼神

者動以千百計蓋自明以來見於舊志特旌者二百二十
四人見於新志彙 旌者又一千五百一十六人嗚乎盛
矣其姓名已大書特書於士女表又取其事蹟奇特可歌
可泣者探而傳之資其苦行昭我管形亦秉筆之光也故
繼之以兩朝列女傳

書不盡言言不盡意古籍之所以日亡也所傳異詞所見
異詞尼言之所以日出也方志多採錄軼事為雜記叢談
之類今倣其例為摭談三卷分天地人物俗故藝異八目
豈曰博聞姑付諸信以傳信疑以傳疑之列亦資談助聊
等於寓言十九重言十七之條所以存疑亦以拾遺也故
受之以摭談終焉

寶慶府志

總目例言

昔常道將云善志者述而不作序事者實而不華是以史
遷之記詳於秦漢班生之書備於哀平皆以世及事邇可
得而言也寶慶著錄見於古籍者有昭陵圖經邵陵類考
及明代之正嘉隆慶志與郡先正之百乘臚句邵陵風雅
諸書今皆刊闕不傳入 國朝凡四修一為傅太守憲祥
一為李太守益陽一為梁太守碧海其一則乾隆朝鄭太
守之僑也傳志當鼎革倥傯之際迫促將事草創而已本
非完書李志較善而劄劄甫竣遂有演逆之變守土與郡
俱陷故其書不為時重鈔有藏本梁志際開復之後故家
遺老尚有存者拾殘補缺圖籍一新顧體裁略備固陋資
多鄭志廣收博採自謂遠勝前人幾於家奉一編珍為科
律矣而其書荒謬時有缺陋轉甚今又閱八十餘年未經
續纂若再遲則文獻愈替墜失無傳是不可不亟為修輯

突顯鶴生為州民老竊講席每覽陳蹟引為己責才短識
闇文湮獻往既漸荒陋復鈔咨質屢與邑子鄒漢勛叔續
言之願欲竭其翹翹之思而官書非私家所得專抱此區
區相對憤嘆非一日矣甲辰之夏河曲黃先生來權部事
興言及此適以茲事誣謗叔續實從史之遂相與接輪執
素廣訪博咨而人人殊衆議騰沸懼其久而淪也體例
粗定遽爾開雕黃公旋有大定之擢吳牧伯繼之籌議甫
及而叔續又為黔中大吏促去事幾中輟會孝義張公來
守是邦力持前議又得學博彭君洋中相助四閱寒暑始
克有成其發凡起例道源究委蒙有一得至蒐討故實采
摭輿地登椒窮涯村至鄉問山川能說古事能述則叔續
兄弟及郡中諸賢之力居多我門子弟亦與鉛槧之役而

寶慶府志

總目例言

提揭綱維終始其事實資彭君要其指歸一稟成於守土
君子而已無與焉惟是一方人物五都士女雖負販之氓
田間之婦苟有片善必為甄錄然多出閭巷之口或據諸
牒之私子孫而矜崇其祖父弟子而曲徇其師說者有之
吾師有言聞人之善而不欲疑考古之疏而未敢信是則
懷懷於人非免責之懼知我罪我當亦通國之人所見諒
者矣道光二十有九年歲在屠維作噩如月庚子朔新化
鄧顯鶴謹識於南村草堂之讀易齋時年七十有二

宋元凡舊志圖略傳自乾隆二十七年鄭志以前上溯晉唐
一詳至乾隆二十七年以後則正史傳記及私家諸志為據
完備至乾隆二十七年以後則正史傳記及私家諸志為據
有近時名流補苴其家不送稿到局及書成後始送
者皆無名姓非有官職者不錄其家不送稿到局及書成後始送
於政績武功一錄凡於名官政績者某公某官皆非名也

各漢有考亭二公一見政統部變文書子此又一例言
 字易而質券則易起爭端是武周略為是所訂云仍薄之則不與
 通即塔即排備即統現即印之類皆作更正此外有相類
 亦有用字不可不備而校不互異者如柴碧之開附不以是深願
 也費

寶慶府志

總目例言 十三

寶慶府志總目例言全

寶慶府志纂輯銜名 道光二十五年乙巳三月州局二十九年己酉六月成書

鑒定

太子太保兵部尚書 兼都察院右都御史總督湖南等處兼理糧餉 賞戴雙眼花翎裕泰

兵部侍郎兼都察院右副都御史 兼理糧餉 賞戴花翎陸寶璋

兵部侍郎兼都察院右副都御史 兼理糧餉 趙炳言

護理湖南巡撫部院承宣布政使司布政使萬貢珍

掌江西道監察御史前提督湖南全省學政陳壇

翰林院編修 記名御史 國史館總纂湖南學政梁同新

兼署湖南布政使司布政使鹽法長寶道賞戴花翎楊炳堃

湖南提刑按察使司按察使今任山東巡撫徐澤醇

湖南提刑按察使司按察使今任江蘇布政使程煥采

湖南提刑按察使司按察使 楊文定

寶慶府志

纂輯銜名

署湖南按察使事 衡永郴桂道俞焜

署湖南糧儲道長 沙河府知府 雷成樸

湖南 糧 儲 道 陳桐生

主修

寶慶府知府 賞戴花翎張鎮南

創修

署寶慶府知府 貴州大定府知府 黃宅中

同修

署寶慶府知府 郴州直隸州知州 吳士俊

寶慶府理搖同知 調任永州江藍同知 張百順

署寶慶府同知 新寧縣知縣 宋翔鳳

寶慶府理搖同知 黃文琛

協修

寶慶府 通判 喜英

邵陽縣 知縣 汪杰

邵陽縣 知縣 趙朋齡

署邵陽縣 知縣 龐公照

署新化縣 知縣 澁浦縣 知縣 薛超文

新化縣 知縣 調任湘潭縣 知縣 李春階

新化縣 知縣 鄧照蘭

武岡州 知州 劉涓

署武岡州 知州 芷江縣 知縣 謝廷榮

加知州 銜署新寧縣 知縣 李博

城步縣 知縣 蔣成生

寶慶府志

纂輯銜名

署城步縣 知縣 常德府經歷 袁榮渭

督採

署寶慶府通判 候補直隸州判 洪琅

寶慶府 學 教 授 郭維城

寶慶府 學 訓 導 周有筵

邵陽縣 學 教 授 張慧田

邵陽縣 學 教 諭 莊世恭

署新化縣 學 教 諭 胡光琪

新化縣 學 教 諭 王家俊

新化縣 學 訓 導 黃式常

署新化縣 學 訓 導 譚國懋

新化縣 學 訓 導 勞崇禮

武岡州學	正謝懿箴
武岡州學	導舒其鏞
署新寧縣學	教諭袁淑
新寧縣學	教諭常道勛
新寧縣學	教諭楊紹榮
新寧縣學	導易履元
城步縣學	教諭張廷彥
城步縣學	導蕭禮彬
署城步縣學	導羅之標
署武岡州同茶陵州州	判姚鈞培
武岡州	同傅弼
寶慶府志	
武岡司	巡檢余兆智
武岡司	巡檢周兆孚
城步司	巡檢姚奎文
城步司	巡檢朱錫川
武岡州	吏目吳學壓
新化縣	典史趙森
新寧縣	典史陳霖
城步縣	典史張晉錫
總管	
前任長沙府本縣縣學以教諭銜管訓導事嚴取即選知縣瀝溪書院山長新化鄒顯鶴	
同管	
邵陽縣儒學以教諭銜管訓導事湘鄉彭洋中	

郡	廩	生新化鄒漢勛
分輯		
旌表孝子	縣學生員	邵陽黃則有
舉人揀選	知縣	邵陽楊太灝
拔貢生	即選	教諭新化鄒瑤
童		生新化鄒漢演
童		生新化鄒漢章
分編		
舉人揀選	知縣	新化李洽
舉人揀選	知縣	新化鄒琮
拔貢生	正白旗官學	教習邵陽黃炳崑
童		生新化鄒漢池
寶慶府志		
童		
生新化譚光銀		
校訂		
舉人揀選	知縣	邵陽李仲芳
舉人揀選	知縣	新化鄒琮
順天鄉試舉人	宛平籍	新化彭旭
歲貢生	候選	訓導新寧江上景
廩		生武岡張友城
分道採訪		
府學	廩	生邵陽張家鈺
縣學	廩	生新化鄒召旬
府學	增	生邵陽姚叶韶
府學	生	員新化譚建宅

縣	學	生	員新化鄧 璉
縣	學	生	員城步尹善堯
監			生邵陽車鍾毓
布			衣邵陽劉紀廉
童			生新化唐敦謙
童			生新化鄒世琦
邵陽採訪			
加同知銜原任四川郫縣知縣歐陽似			
內	關	中書江蘇	補知州魏源
原	任	江西湖口	知縣譚夢霖
原	任	辰州府	教授劉守坤
原	任	慈利縣	教諭歐陽信
寶慶府志			
原	任	茶陵州	學正曾宗達
揀	選	知縣鄧	縣學訓導王光槐
舉	人	揀	選知縣任澤景
舉	人	揀	選知縣石獻琛
舉	人	揀	選知縣石鴻文
舉	人	揀	選知縣石琢之
舉	人	揀	選知縣劉榮幹
舉	人	揀	選知縣陳拔南
舉	人	揀	選知縣羅承煜
舉	人	揀	選知縣鍾德烈
副	榜	貢生	候選教諭歐陽榮元

歲	貢	生	候選	訓導	曾開灼
歲	貢	生	候選	訓導	雷開華
歲	貢	生	候選	訓導	魏之范
加	都司銜	永州守備	賞戴花翎	方世儒	
廩	生	考	取	拔	貢何樹年
廩	生	考	取	拔	貢楊毓枏
廩	生	考	取	拔	貢魏炳勳
廩					生王選襄
廩					生游東序
廩					生龔琴
廩					生謝永謬
寶慶府志					
廩					生蕭良顯
廩					生劉艾寅
廩					生蔣瑛
廩					生劉艾匯
廩					生范石麟
廩					生賀希乾
廩					生石熊文
廩					生曾開驥
廩					生郭凌湘
廩					生王學淵
廩					生趙盈科
廩					生趙騰芳

docsriver 文川网
入驻商家 古籍书城

在文川网搜索古籍书城 获取更多电子书

管理局務

廩

監

監

監

從

從

呈稿

府

府

部

寶慶府志

縣志

香

生邵陽姜常謙

生邵陽周京籍

生邵陽禹慎典

生新化張士亮

生新化鄧瑛

銜邵陽岳萬顯

銜新化李澤涇

九

九

職

職

吏

禮

學

書袁華競

書傅作霖

書顏芹香

寶慶府志卷輯街名全